

楊文恪公文集

明詩綜小序

楊廉字方震豐城人成化丁未進士累官南京禮部
尚書贈太子少保謚文恪有月湖集 詩話月湖詩
派本白沙定山其言曰近代之詩大抵只守唐人矩
矱不敢違越一步惟陳公甫莊孔暘獨出新格予好
公甫詩既選注之好孔暘詩又選注之其論絕句云
於宋得濂關閩之作於元得劉靜修於國朝得陳公
甫莊孔暘因類成一帙名曰風雅源流其師心若是
然其七言長篇頗具排界之力五律亦以樸勝不
盡類陳莊二公

楊文恪公文集總目錄

卷一

古詩

五古

卷二

七古

卷三

五絕

七絕

卷四

七絕

五律

卷五

七律

卷六

七律

卷七

七律

卷八

七律

卷九

七律

卷十

七律

雜體

賦

詩餘

卷十一

序

卷十二

序

卷十三

序

卷十四

序

卷十五

序

卷十六

序

卷十七

序

卷十八

序

卷十九

序

卷二十

序

卷二十一

序

卷二十二

序

卷二十三

序

卷二十四

序

卷二十五

序

卷二十六

序

卷二十七

記

卷二十八

記

卷二十九

記

卷三十

記

卷三十一

記

卷三十二

記

卷三十三

記

卷三十四

記

卷三十五

記

卷三十六

說

卷三十七

傳

卷三十八

銘

卷三十九

題跋

卷四十

雜文

卷四十一

雜文

卷四十二

雜文

卷四十三

雜文

卷四十四

贊

卷四十五

書

卷四十六

書

卷四十七

書

卷四十八

書

卷四十九

祭文

卷五十

祭文

卷五十一

行狀碑誌

卷五十二

行狀碑誌

卷五十三

碑誌

卷五十四

碑誌

卷五十五

碑誌

卷五十六

碑誌

卷五十七

碑誌

卷五十八

碑誌

卷五十九

碑誌

卷六十

碑誌

卷六十一

碑誌

卷六十二

碑誌

楊文恪公文集總目終

楊文恪公文集卷一

後學陸時泰

朱晁編集

古詩

送沐氏二揮使受職展墓畢還雲南四章
章四句

拜官金臺展墓秣陵黔國之孫魏國之甥
爾祖豐功尤著南服 國初封王赫赫惟六
職紹都尉嫺連列侯歸哉 主無西南憂

根本重地世於此墳鬱鬱松楸吾皇之恩

瞻雲三章章六句爲劉常侍希古賦

維昔有雲親依以住胡今之雲親乘以去雲無
定踪人生如寓

昔之瞻雲室是遠而今之瞻雲欲見無期悠悠
蒼天曷知我悲

桑梓有雲覆彼高堂松楸有雲覆彼高岡靜言
思之有淚盈眶

五言古詩

阮延平問答

登舟一月餘僅有書可恣英入彀中去展卷繼
洗者靜坐或澄心工夫懶間漸頗愛延平語批
點時數段

適軒爲袁邑博賦子慶祥僉事

莊生逍遙篇吾嘗一經目鵬鵬與學鳩小大得
所欲其言涉弘大實蹈方外躡周本惡禮法任
意脫拘束宣聖飯蔬食子淵僅饘粥端木結駟
將孟軻後車遂富貴不爲泰貧賤奚所辱吾人
自有適性分無不足適軒鄉丈人制行亦何篤
鐸聲在處鳴英才荷陶育家君昔聯科小子間

頗熟近來拜封官老矣賴川曲靜處一軒中几
案積簡牘問之聊復爾安用事豐屋郎君在大
學抗疏曾下獄只今僉廣東聲名起南服適軒
夫何憂保養吾至祝

慕畊堂爲翟少卿賦

翟公有華居山節與藻稅慕畊題其中初未得
其說堂堂鴻臚卿祿入九鼎列古稱食於人畊
固所不屑問之何爲然取義則有別方兒讀書
時挑達在城闕嚴翁訓事農感憤獨折節學成
而有官思翁每嗚咽少者不早仕老者易消歇

吁嗟羣魚悲今古同一轍抑公來 君恩燿
黃已蕤登堂何所圖料亦無別訣願移孝爲忠
庶以補其闕

題畫栢

產此昂霄材岩壑亦出色少陵豈我欺信有二
千尺高處微折摧歲久經雷霹大廈說蕪收撲
檄盡繩墨胡乃梁棟姿而不逢匠石世事無不
然撫髀三太息

雙瑞堂爲謝宗伯賦

堂有雙瑞名四十年前事登堂吾已遲顛未得

所自景泰癸酉年蓮桂兆奇異是年兩昆玉果
爾聯秋試勝秋與得鼎古人各有誌賢才國之
禎而可以易視吾聞堂有翁宗伯已顯仕一門
瑞尚多五郎貴者四誰將多瑞堂寫贈三大字
鑑亭爲程考功作

人心明鏡然物外生翳溷操存與省察聖賢歷
垂訓考功構一亭剛與方塘近摘取晦翁詩朝
夕勤學問嘗聞敬一言伊洛首所論晦翁私淑
之異世得心印至謂千丈渾消得膠一寸慚予
負翁言光陰亦何迅因君名亭心匍匐尚思禽

頌言崇明德庶以昭令聞

和同年陳宗之亮之兄弟仰蘇堂倡和韻
卓哉賢伯仲餘子莫與京文章擅雙美豈獨簪
紱榮亨衢一萬里振策云初程昨聞廣平府得
叙相好情對床極寒溫出郭遙送迎從來潭潭
居太守經幾更連壁不相值丹艸徒爭明相傳
二蘇子胥曾在彭城至今詩句中尚愛道遙名
今人那可薄古人看復生仰蘇猶謙辭吾欲要
其成頌言遡伊洛願弟聯顯兄

徐節婦詩

結髮事君子中路逢巖危夫亡有老母更遺兩
月兒一死諒非難二者將待誰堂中極其青慘
獨忘其悲膝下撫長成讀書游類池君看坡上
草秋來被霜欺不見松栢樹自耐狂風吹忠臣
與節婦千古芳名垂

奉和王少叅尚文答送扇韻

先生水邊亭荷花坐深處不翳邵堯夫持此真
過慮平生驅暑心泉石晚所踞笑人昧先幾櫬
櫬出門去

和朱大尹新正寫懷四首

立春繞幾日百草皆萌芽今朝出門看柳色
梅花十紅與萬紫駿尋浩無涯且誦巨源句清
景屬詩家

論治漢唐下吾敢謂其然論治三代前本末斯
乃全爲邦誰準的仲尼語顏淵風氣旣已開難
挽羲皇天

潭潭道愛堂素不通雜客况當正旦初公事少
關白嘗觀循吏傳聲譽無赫赫如公有其人清
暇事文墨

縣後堂舊扁道愛

無才得閑局匝歲離京華歸時與去時俱值辛

夷花君寵豈不念親恩亦無涯庭椿已八千游
子仍別家

和朱大尹郊行豐前韻

土牛送寒氣村柳條以芽欲知韶光老試問棠
梨花郊原恣行游弥望真無涯異時歸明桑便
合稱農家

昔年到村落閭櫛比然胡云數十載舊戶多
不全伐楊已斬梯取魚將竭淵窮簷困蠹穴何
以樂堯天

鄉民俗自淳禮數略主客父老相過從巾烏衫

正白雞犬近已寧威權無翕赫村村有社學児
童攻筆墨

長安簪紱者軟塵恋東華誰知程鄠縣獨愛前
川花今晨偶無事行行臨水涯農功自茲始辛
苦念田家

題張御史夫婦忠節錄

正統己巳秋北虜來犯塞權奸勸親征請留
徒至再六飛駐宣府已報前軍敗大同暮安營
黑氣罩如蓋倉卒議旋師胡騎追已逮土木望
懷來未在一舍外彼奸輜重多牽制姑少待四

十萬貔貅飢渴俱困憊長刀如墻來鬪志我已
怠乘輿既蒙塵繡斧旋遇害主辱臣死之明
訓簡冊載南朝李侍郎心事本同派夫人聞訃
音呼天竟無柰諸孤倚未亡一死非所愛共姜
栢舟篇凜凜冰蘖在彼蒼祐善人後福殊未艾
雙鳳已高騫仲也尤大拜尚留忠節名永永昭
百代

憶澹臺墓寄王邵二藩臬

丘軻久絕響希闊到敦頤隔此千載餘是果真
無師嘗聞夢奠後弟子皆四馳滅明遠居楚三

石門徒隨後來必有傳韜晦人不知不信至濂
溪當時猶未竒濂溪寔楚人所得宜在茲要知
南方學澹臺其始基步出豫章城旅墳荒路岐
樵牧幾弗禁况有麗牲碑古今一名士所過多
有祠道學乃何物冷灰無人吹幸逢諸當道尚
德甘如飴此事倘留意足慰悠悠思

答朱大尹

三反聞孟軻曾參復三省胡而不勇決覲顏肱
斛棄凍死事秋毫那能恤寒凜從古勢熏天轉
盼同灰冷

擬回中途輒望望洙泗路致力在性情涵養喜
與怒顏淵稱好學得非以此故卓爾果云遙庶
幾黃叔度

寄同年張仕欽

蚤傳毛氏經晚歲始登第官分秋卿曹陰德于
公契一朝疏請老歸去風吹袂銜有京兆加腰
有金帶繫近 詔仍進階已陟三品也臺端揚
清芬偉矣誇令器在君夫何求閑散真得計醉
倒與狂歌山林本無例亦欲追遐踪浮名未相

題畫爲王斯遠冬官作

高高數重山渺渺一灣水草屋有幽人把卷坐
移晷伊誰載酒來一棹輕若葦得非楊子雲問
字入累累雄學固云博爲文多骯髒識字不識
字節義昧原委反騷既已差仕莽安可悔周勃
霍子孟前輩何偉上少文并不學死亦爲忠鬼
如此茅蒼間清絕石碣礪俗子不許來杜門而
掃軌翹詩誦狼跋商書觀仲虺豈但涉皮膚咀
嚼到骨髓用之出佐王不用甘秉耒始可言讀
書奚翅雄十倍題詩還冬官大言或見躋

問齋爲黃君賦

人生隣上智問學猶當加何爲不逮者悠悠度
年華黃君闢問齋努力修于家義理本無窮浩
若恒河沙不知苟不問擿埴能無差微埴有家
教遺後書五車晨披虛室白夜對青燈花何須
問外人收效當無涯

貴溪道中櫛髮偶成三十韻

吾生本寡髮晨櫛易爲力中年以後來落髮日
日積或以用紙累或以塞壁隙禮經髻與瓜全
歸向營域或是沐浴餘非由平素得不然百年

內一一何處覓吾意付流水亦云潔之極又如
泥塑人泥人似相隔推倒向泥中與泥本一色
乾坤稱父母萬物同氣脉孰謂水非我而於髮
徒惜此說豈輪回吾儒有分析今朝貴溪道窮
歲復爲客逢窓理種種十有三白請看世上
人髮白何由黑造物如洪爐昧者徒自盡食粟
空六旬甲癸今首曆白髮自公道光陰真浪擲
世間萬事順惟有修養逆伯陽諒升天劉安聞
拔宅雲谷與西山師生亦抽繹或謂此理無節
慙差有益此出龍門翁願以爲矜式雲谷更有

說感興詩是的遂取吾此髮舉以逐潮汐驚波
急如箭頃刻幾千尺吾髮歸此水吾身復何耶
異時乘元氣直到無何國

完名卷爲李宮保賦

名爲造物忌何由得其全此出於畚南吾謂未
必然名以厲中人君子非汲汲此發之伊川千
載其言立請看史冊上往往稱名臣安知非求
名名乃實之賓卓哉鶴山翁 廷臣一時傑
璽書完名褒不是尋常得

大理李君母孺人壽詩

箕嘒彗五福孺人信云備相夫無曠官訓子有
顯仕版輿歷兩京鼎釜極蕪味珠璣綴爲冠雲
霞剪成被官下豈不榮東歸動鄉思問子凡幾
人屈指而有四已慰一子心又體三子意明歲
矧八旬華堂一奇事團樂聚膝前咲看斑衣戲
和竊菴宗伯遊清涼山二十五韻

孰謂城市居而與山林隔挾筇上崔嵬曠視情
何極路轉并峯回壹降復壹陟常聞溫公言徐
行不須亟伍誰獨好事探奇緣絕壁平夷尚遂
巡險阻愈懷反起看萬馬奔岡勢如有迫盤迴

數十里那能計寬窄開張巨靈功負戴鰲極力
彼創者巍巍工鉅那可測不知是何年有此昆
盧宅殿屋皆四注洞門有旁掖顏筋雜柳骨大
字懸榜額歲月諒已深繪畫落金碧二十四章
經真本采西域雲間憇一庵象緯通咫尺賦就
游山詩豪才當甫白茗葉呼童烹蓮實信手擘
盡此一日懽明朝是陳迹每謂石頭城百雉屹
於側登城望茲山蒼翠近可摘金陵屬斗分不
入軫與翼六朝都其間大抵類棋奕無端吊古
心自足迂儒癖擬上萬言書殷鑒戒往昔

荆山別號爲王司馬惟綱賦二十韻

曰東原底平其文見禹貢曰奄有龜家其篇存
魯頌堂上三槐宗聚族何其衆東平遷未遠蒙
陰派還共就中有荆山美材足梁棟珍禽與奇
獸往土布岩洞百年物產稀產賢爲世用退之
謂衡岳丹砂未爲重必有材德人此語吾每誦
偉哉司馬公蚤歲官法從南畿昔持斧山岳盡
搖動張文紀在漢唐子方在宋南征虜蹕來
軍令日虔奉決機弦脫弩解琴絲屬綜糴貅數
十萬磬控并縱送力並能扼虎射盡能命中鯨

鯢既就戮那有潢池弄

大君行論功幾人堪伯仲便當登八座豈止兼

二俸信鍾荆山秀出作岐山鳳

槐廳爲蔣敬所賦十一韵

蔣氏有嘉樹數百年前物全州未入廣已見此
突兀鼻祖非種樹乃是種陰騭緬惟古心人行
敏而言訥迹雖類王祐默上無所必再加封植
功比部郎官日請看今伯仲填麓和呂律伯總
司國計仲夾輔王室樹陰畫滿庭天下族
甲乙一門何所傳世上本經術要知旋馬廳已

蒲床

楊文恪公文集卷二

七言古詩

題張司訓龍虎畫

龍行在天蟠在泥何人慣見輒畫之形模但可
求彷彿奚必點檢分毫釐吾觀畫龍別有術大
要只在論神奇少日山行見龍出雷雨冥晦天
低垂平田水湧四五尺奔走鰕鱖驅蛟螭須臾
雷散看古樹瓜痕入木深如錐當時駭見信莫
測此日放意還題詩商書大旱作霖雨吾不尔
望端期誰

昔年曾讀荆公詩虎圖一篇真好辭目光夾鏡
妥尾語字字曲折皆經思後生筆力遠不逮對
此歛衽將何爲主人自是橫渠裔教鐸初試爲
人師章縫素不習騎射講席猶得升虎皮東西
兩齋日問難折衷六籍祛群疑青衿虎榜盡高
擢人才造就看一時張君寶此豈無意坐隅不
獨觀雄姿

戲答甘亨讓餽蜜

老大讀書記苦難放聲叫吼唇吻乾玉川有茶
六七椀沃焦無以滋脾肝故人頗解知我意冬

蜜持送冰雪寒。孟壑遠勝夜半嚼。一時便作瓊漿看。想當蜂足欲釀時。名花異卉俱採殘。以成此味。特異甚。糖霜只合爲衙官。故人稍薄權勢徒。唯以山水日自娛。不作千夫萬夫長。蜂之笑領數十厨。簷楹一一成薰。盤凜然馴服如家奴。割脾歲取利。亦憚人言。此是田外租。平生自笑鑽李陋。殷勤分惠來。病天愧無中。邊皆甜句。聊以奉復。殊荒蕪。

○過牂簡莫水部

疎牂密牂連一帶。南船北船此閑隘。往年水小

謹啓。開十月五日。牒邊待。今年濟水偶然溢。雪浪崩騰。復砰湃。下如落井。上登天。三老無功。神是賴。誰移兩山作一門。管束千流。與萬流當初。本爲畜水設。豈知水大亦爲閘。世間有無。弊却十利。和免無一害人言。月河且緩。築不然。水勢無由殺。牒官恨不高於山。設心措意。或有在冬官先生太氣力。能令驚鈍追驥快。征夫自是懷往途。見月望弦。今已再履霜。又恐阻冰凍。帝鄉尚在紅雲外。噫嘻。水大莫怨遲還勝。從前水小時。

題沈太常畫菊

假山磬確誰家園短叢遠近寒花繁輕烟細雨
一段景我疑或是柴桑村嗟予性僻頗嗜此敢
謂陶公酷相似故鄉近別僑金陵街上買來栽
滿把去年看花舉酒時再爲後會那能知只今
此花漸入眼世事固未教人期太常先生有夙
契自笑官貧種無地誰將此品寫贈之隨處舒
卷真得計一朝携來索我篇王君尚文詩在前
此人晚節無媿菊謝薄何敢追其賢先生顏丹
瞳點漆輾轉厨菊潭溢神仙中人吾愛之凜

凜寒香者他日

過露筋烈女祠

草間嚶鳴聲如雷玉膚瘞盡何慘哉一身九死
誓不悔烈氣欲挽三綱回道旁厦屋應無數亦
有紗厨隔烟霧平生自比冰雪如肯遣嫌疑半
毫汚吁嗟此女絕代賢豈有孀居復二天餓死
事小失節大自信不待聞伊川我來盡船依浦
溆獨爲荒祠久延佇今日蚊蚋少噬人野宿何
無草間女

題石蒲贈醫士闕詒

混沌神人已開鑿九節仙翁跨寥廓誰將爲付
褚先生清玩惟應呈獼閤闕君大隱荷湖東暮
歸讀書朝種藥雲根聲確靈苗青坐對軒窓足
娛樂我生失脚紅塵中自恨山林結緣薄看來
此畫不宜有把贈似君君勿却詩成戲作一轉
語我輩胷中有丘壑

歌風臺

被酒徑澤隆準公巨蛇滅血污劍鋒鬼媼啾々
夜深哭紅旗畫滿山之東入關堅守牧羝約親
與降王除面縛以寬易暴法三章告諭秦民皆

喜躍董公遶道天
遣來發喪義帝師
銜哀嘗聞伯者假
仁義漢伯一著先
胚胎范增趣舞謀
自拙玉斗何辜碎
如雪傷殘所過無
一言惟對君王數
持琬一仁一暴勝
負分况有豪傑紛
如雲義旗東向無
不捷蹙項直至烏
江濱歸來豐沛乘
黃屋醉後高歌仍
擊筑千秋游子思
故鄉特令此邑爲
湯沐我來訪臺正
落暉兩碑對立高
墻圍臺邊古井不
可問千年事徃人
民非炎漢開基未
爲窄泗上荒臺僅
尋尺興亡百戰無
代無登高一嘯秋
空碧

題林待用所畫山水爲王員郎作

王君此畫來何從自言昨得之林公上心欣然
爲揮寫蒼烟老樹山重上莓苔無塵水石淨中
有祖褐遐棲翁養高習靜君夙志無乃聊寓烟
霞習我言是境皆脫洒朝市亦有山林風正聞
部符忽相促淮陽征權行匆匆詩人王事念靡
盬未許箕踞休長松淮陽蒲陽地雖異公齋對
此將無同不見濂溪廬韋下曾志鄉關在目中
蓮龜呈祥慶人壽

泥中曳尾塵土緣何如輕舉游紅蓮花開玉井

長十丈瑞鍾洛水經千年老子學辟穀提得靈
龜當牀足如雷鼻息撼蓬瀛一睡交梨一回熟
送於侍御清戎江右

白門草枯風逾力結騎聯鑣送行客借問行客
端爲誰南臺繡衣新領勅夏官建議在足兵
江右清戎煩徧歷從來此事弊精神有如亂絲
須緩繹文書帝虎臆決難足憑除是洪武冊里
胥之言失不遠未可盡疑專語擊明上有了縱
不鮮却向旁蹊苦尋索近年何君何名敬廣東博羅人
深得體於國於民均有益公才自是臺中

英胸次陽春手霹靂迂哉如我復云云何異運
水資河伯三年亦是彈指然歸來立朝看正
色

題海屋圖慶侍御黎乾兆母孺人八十壽
滄桑屢變眼中觀甲子掌上論盤古唱籌屋底
果何鄉不是方壺即玄圃神仙境界誰畫來
稱高堂壽黎母黎母之德不可殫在古直與陶
孟伍螭坳簪筆有賢郎所至人人畏持斧霞衫
蟬髻承天恩春酒杯濃樂鍾鼓八旬綽約如
麻姑會駕青鸞遊紫府就中姑置十屋籌也須

小住三千秋

送林都憲待用巡視次楊大常應寧韻

天書來自鎬京遙，委任分明重聖朝。
綸綍不殊親唯諾，閭閻何異正焚燒。
韓公未歷江省勲，應繼周老文襄南。
畿迹未消莫道狐狸安，用問固知山岳亦當摧。
烹鮮自古期無擾，埋亂如今貴有條。
孟博澄清憑去展，阿衡滋味待歸調。
鷺車彩燦看新畫，鷹繡金光識舊銷。
惠比春融花亂發，威同霜肅草先凋。
當思物論公相薦，勿泥山靈久見招。
利病民間千萬狀，觀風無惜訪漁

食梨戲作

鵝聲鵝梨百顆多荷鄉人遠遺我放鵝出籠
且養之愛渠日浴當清池梨擇數顆呼爨僕
火焚薪爲蒸熟擎來去柄削其皮軟脆頗足充
吾飢記得往年涉遠道南北兩京梨最好就中
二美堪齊驅雪梨香水天下無風滋露味生最
上熟之似員方竹杖西江所產澁者多間如嚼
木齒欲訛是品只可令熟嚼不比兩京熟味淡
噫嘻凡物皆有宜豈獨區區口腹梨

訛與利義同史記漢

書刻印初蘇林
日利手弄角訛

送鄭戶侍祭掃歸仙游

鄭公早愛居林壑才入詞垣歸興作一卧屏山
二十秋世間名利公然薄起來本爲蒼生面敷
歷中外來留都屈指經今十數載花生金帶官
司徒今春乞歸聞更切屢疏欲全臣晚節聖
皇暫許掃封塋馳驛迢迢去甌越昔年公歸捧
勅書並封考妣光門閭今年公歸捧紫誥
天光燁燁生丘墟鄉人咨嗟瞻夾道爵之鄭林
孫子到三代沾恩豈偶然盛事由來出忠孝公

今此去非如前屏山山好休留連
兩朝寵渥亦云至早披肝膽酬
義軒

楊孺人壽詩

二子

御史典郎中瑞

賢哉阿母中道養內教亦嚴還亦慈治家有務
綜諸已讀書一事專委兒兩兒先後登臺省孺
人封號沾恩賜遐齡逾七且望八華堂春酒時
盈卮天孫別織婦爛服雲霞片片光陸離大兒
之服雙獬豸小兒白鵬更鷺鷥一舞躋耄耄再
舞躋期頤海水會揚塵蟠桃結滿枝人間此景
不可得未羨王母觴瑤池

和儲靜夫戶侍玄武湖二首

群公湖上欣持盃，會難再須徘徊百年籍冊。

北銅版

俗傳軍臣後湖有銅版不得取

祖皇嚴令如春雷就

中半字誰敢裂，寬抑扣之自能雪環以波光水

氣寒六月那知有炎熱，千櫺萬牖諸庫開我初

見之猶驚猜承平戶口

轉增益但覩萬國梯航

來我朝聲教皆漸被，周禮司徒掌輿地示來

詩句何鏗鏘，剩有高才敵賓戲

中洲去岸六七里，猶憶宿湖霄中發盡船上鎖

金鑰板極目惟看渺瀰水，一棹五日耗不通

夜明晴虹霓清少寐歌達旦餘音下撼蛟
宮廿年不到湖上路回首光陰如箭去澄波
照影衰鬢蓬自覺容顏已非故沿堤高柳仍含
烟鍾山一幅罨畫盡然無端往事不可問惟有景
物如當年

○往年得常山徐生惠硯甚佳丁未會試爲監
場軍士持去自後所得硯皆不及之偶然追
憶因借方正學失硯嘆韻戲成古風一篇

常山硯多青紫色半形製之風興國咸去音哉
斗難并不徒發墨仍潤澤憶常過市親閱來惡

者堆壓美藏匿再三苦索始出之坐賈設謀邀
倍息徐生鼓篋游太學朴茂自可同丰登簡選
士嗟持贈予獲之如獲琮與璧硯兮亦誓爲我
用嘿嘿不言似對臆人生甘云幾兩屐靜壽况
乃無終極自媿東西南北人脚跟遊走無定迹
南宮携去戰文場螳蛭蜂房專一席東集角罷
後短兵松溪管城俱效職風簷交卷出門去竟
爲守舍軍士得唇焦口燥呼不還亟欲往追天
已黑歸來旅邸不成眠反覆思惟良可惜聞
東坡重鳳咻論者謂爲人所惑端溪萬里在嶺

外誰爲寄將誰促迎家有好親樂與人獨慚未
關上蔡域文房四友交誼深此友周旋真莫逆
當時妄意復得之焚香扣易揲著策得夬之革
觀繇辭莫夜之戎即斯賊欲將此事白有司姓
名無處稽尺籍三衢舊穴尚可尋巧匠斲山盈
左側猶傳上品多更多紫袍玉帶殊輝赫雖然
此特一物耳吾輩何爲置欣戚君不見但恨珍
奇失所遭此意英雄或能識

竹屋爲甘欽來太守乃翁封君賦

禾川之地數畝寬上有修竹千萬竿斧斤不縱

亦足矣何須過計論平安高人結搆隱其內蕭
蕭六月生清寒尋常畫出治生產暮歸繼晷親
鉛丹學成游從在履滿青燈夜夜明更殘顏回
閔損不覓舉嚴光周黨非求官年來命服換野
服煌煌

恩賜來金鑾君非求貴貴自卽義方之力鄉
稱難曩時魯憶有拙作才薄愧柳仍慙韓遙遙
竹所不易造天南何日凌風翰

司寇陳公慶壽詩張太僕文錦求

張君舊聞今見之遺我幅紙光陸離丁寧爲作

應壽詩問梁持此將贈誰意我司寇登廳眉宇
惟君欲徵諸辭祝翁吾願申吾私翁官黃門獻
納司忠言直節聲四馳回翔兩京以俟時北門
鎖鑰公相推至今威令留邊陲歸來清貧聖主
知進秩給隸兼俸資遐齡九九人難追我欲盡
挽滄溟入酒卮祝翁高壽何止論期頤

楊文恪公文集卷三

五言絕句

墨莊五詠爲天寶劉氏賦

有序

按劉氏之居清江靜春與集賢舍人各自爲派而同出于墨莊以上評事典也墨莊創于汴宋而記于南渡之後今天寶士會又爲之起廢于異代遷徙之後且并晦翁所爲五詠曰軒堂齋亭者舉復其舊觀其志亦以勤矣雖然昔之名亭勝宇類不在天地間所以不朽者人也

士會之令器今南京刑部檢校高邀予
賦之因識于此若夫所謂不朽者在檢
校君豈可不以前聞人自勗哉

墨莊

前人墨爲莊原不在青紫我愛考亭翁發明良
有以

列軒

爲學如掘井成功斯及泉猶開軒中八麗澤師
友賢

靜春堂

誰謂靜爲主誰供春一月周程去未遠淵源豈容絕

玩易齋

寡過聖絕編踐履賢盡易神明本在人豈必泥龜策

君子亭

水華晚尤佳對之詎忍折人間游戲文千古愛蓮說

封員郎味庸蔡公壽詩

介夫之尊翁時介

鄉評推碩德家世重清門白髮烏紗帽山林古

意存

道腴甘救水膝下許辭官趣出毛家外可須捧
檄歡

嘗記靜脩語翁心誓教兒鳳毛當世傑庭訓我
能知

兩家稱父子乙丙癸壬年齒得尊人並吾慙選

部賢

先生丙午家居乙巳
文選癸酉康壬申

別蔡介夫終養歸泉南十首

介夫選部蚤歲壁立已有聞於士夫中
年偃蹇仕途一時名公鉅鄉無不改容

禮敬之至於東南之士講學以求是當
者率於取正焉蓋學識操履如吾介夫
者絕不多見也頃年以尊公稽勲先生
壽過七十上章乞南曹以便養既而先
生以跋涉不果來復請于朝以就養
于家詔俞允之介夫行矣顧廉亦有
親在瞻望白雲將何以爲情耶詩十章
聊寫別意云耳

誰無白頭親抗疏獨歸養歐生有離憂純孝歐
生上

東家說封侯西家夸賜金丈夫有至榮不博終
養心

俗學正滔滔斯文豈終絕君侯信人豪脊梁硬
如鐵

雲谷重重山武夷曲曲水書堂好堅坐至理徹
骨髓

程朱兩絕學易差在精微行矣山林間勘破千
是非

燕臺初盍簪建業今分手郡無陳布衣此去誰
與友

名言屢誨予意傳在言表乃知師友間麗澤非小小

書傳與面講在昔師友誼扣疑敢自踈尤期教音嗣

年來幾俸金舉以付書肆行囊任肅然車載惟六藝

甲科已多年官資尚郎署家貧不賣文菽水粗取具

禁垣齋宿

歸巢鷗亂鳴曉日將夕捲東看殘書無言對

墻壁

地絕塵無到心清夢亦安
瓊樓相逼近更比外間寒

題琴書樂趣卷

邪心誰復禁布指衆人工
我愛柴桑老無絃掛月中

何須誇萬卷打坐是深工
上蔡非先悟幾淪玩物中

題畫四幅為吳德厚賦

飛流千丈長有客觀不已
祗恐川上翁所見不

如此

山高逕路微林深茅屋小讀易者何人焚香坐
清曉

不怕風雪寒漁竿即生產遠寺聞鍾聲橋頭歸
路晚

嘗聞舞劍事觀我書必進我欲從子思鳶魚悟
心性

朴山八景有序

朴山八景創始於太守劉公公歿而其
子國賓繪圖之以壽其孝思之誠予為

賦詩八章以詠之八景皆以朴名猶柳
柳州愚溪愚丘元道州語溪語臺之意
也

朴山聳翠

愛此天畤畫居然戶牖前寸雲休
勒惜四海望豐年

朴嶺歸樵

青山和露斫重檐帶烟挑舉火
數家待寧為仙局招

朴水漁舟

浦漱真吾里生涯在碧波白頭無厚望不在得
魚多

朴洲落鴈

陽鳥依居地曾聞禹貢經此洲彭蠡近
蘆汀

朴野飯牛

水草遙尋去歸來薄暮時要令牛腹飽
童飢

朴隴畊雲

幽風云舉趾伏臘此為須力穡本當務
無憊

大夫

朴齋雪案

籠袖凭髹几寒威亦凜哉此時堪照雪太乙重來

朴齋觴咏

詩思任遲速飲量隨淺深春風新水綠
山陰

書屋為康秀才題

山色當前秀溪流到此平未論臺榭盛
書聲

馮君任之乃國子先生芝軒翁之令器家
學之懿政事之優持已之潔御史之嚴與
夫談論開爽襟度洒然蓋賢僚友也茲以
順天通府擢守郴陽深惜其去贈以韻語
四章聊道意耳

銓曹重外任暫一破資格遂使天府倅而為郴
民得

固當重教化安可忽期會此理徹上下精義與
應對

鼎釜養能兼具慶胡不喜古人捧檄心無乃一

出此

此失賢僚佐彼得良牧守得失將柰何臨發姑
飲酒

七言絕句

藍閨圖

今朝唐帝雖加貶往日韓湘已有詩禍福由來
皆定數立朝緘默欲何爲

山莊別盛友

雨敲稷葉徹霄聲遠屋寒鷄報五更曉起衝風
騎馬去獨留君在伴諸生

偶成

朝後傳心學已無宋儒方此做工夫要知免人
禪門去敬義從來不可孤

清江浦草亭

西入簷簷更向西綠陰深護小亭低我來一坐
渾忘返讀遍諸公新舊題

奉寄寬齋兄

券焚陰隲元不火產薄心田儘自寬鎌掛壁間
塵滿甑農家稼穡最艱難

題東坡赤壁圖

江山似有無言意不屬周郎屬大蘇一炬東風
吹已盡洞簫猶自覺嗚嗚

題江山勝覽卷

江山昔日經行處只作高堂圖畫看今日高堂
歸隱去就將圖畫當江山

儀真逢易菴舅氏留別

北去南歸跡背馳舅甥相見本無期憑將此喜
權輕重十倍他鄉遇故知

畋晬日

旭日曈曈照敞廬晬盤初設試周餘曹家謾說

黃金印且看先持一卷書

張浚

詆和主戰豈非長累疏何為論李綱
詆欠知人幾誤國想應無意附汪黃

詠史

素志慈言定得真陳橋師出本無因
黃袍不是柴家物何用區區苦誑人

紱逆增加不可輕也須據事與原情
誰云釋受從容夜柱斧猶聞截地聲

道中偶成

昨避江行風浪惡山行又怯虎狼號人間安穩
尋思遍不出門庭一著高

題寸草堂詩卷

密綫思深不可量孟郊身上舊衣裳年來已是
遲歸客慙愧殷家寸草堂

題生挽卷

埋銘挽句誰親作杜牧陶潛倡此風舉世紛紛
希曠達千年冷落啓衾翁

澂試周戲作

大兒三歲次兒周更有三兒足解愁汝父歸耕

豐水去山前山後看騎牛

舉第三兒戲作後名放

東坡惟願生兒魯為是聰明自占多汝父却愚
專望汝聰明何怕似東坡

閱高州志悼鄒汝愚

昔年赴貶愁衝瘴小住豐城欲候霜北到高州
為日少松明誰復起書堂高州有松明書院蘇東坡建汝愚赴貶詩

有松明書院
曾修未之句

庭桂為山人作

庭下秋風落葉知木樨香滿讀書帷小山招隱

何為者欲擬文公作反辭

賞靜軒何御史深之父號

綠陰門巷樹扶踈幕府歸來夜讀書間裏風花
題邵子少年兵法註橫渠

直科口占

六科列署午門前光祿供飡寵亦偏
衮職近來無闕補斗床晝拂枕書眠

南科自分一枝安北轉惟添待漏寒
吏事兩京終是少諫官真恐是閑官

盡菜為同年周甫敬作

後國寶瓦盆盛菜噉如飴
清風在祗寫園葵座右看

雨中立廬山用蘇提學伯誠韻

天時連日苦非佳飄泊風檣未有涯
白鹿山房渺何處傍花隨柳正縈懷

擬作廬山十日遊芙蓉千疊豁塵眸
濂溪雲谷高風遠翼翼祠堂在上頭

書院興衰盡在人品花新報洞中春
誠明敬義

諸生學肯以詞華數過秦

題畫為郭生作

故園每見是春晴長尾垂垂亦善鳴
漸讀毛詩渾不熟至今猶自未知名

低篴短棘耐風吹幽夢安然更不疑
祇恐山間非久戀時來還借上林枝

哭李亮昭

仕專封駁學研窮甲第鄉科事事同
別去長安纔幾日無緣邸舍見君終

峻整風儀聲內班官資人擬六卿間
不知天道

成何意召記匆匆賀不還

紅梅為李大守作

名在商書第幾篇春風別自把神傳本來玉色
金聲派不是桃源洞裏仙

生意東皇布未勻臘脂一夜染花新使君持何
湖南去要看閭閻處處春

冬燠

初冬一月未曾寒客路衣衫尚可單櫟散憂時
無寸補祗將洪範舵樓看

過直沽同劉因吾舉人賦

仕路驅馳甚日休此生十六此維舟年光絕似
桑乾水晝夜滔滔何海流
三衛貔貅此種田隱然巨鎮海東偏元人運道
休談起出沒鯨波豈萬全

五十自述

從前學力悔蹉跎五十光陰此日過諒是無聞
無足畏宣尼明訓抱慚多

客裏今辰五十春劬勞無任憶慈親蔬盤對案
那能食况列樽罍效俗人

始衰年紀倏然來此志分明却未灰莫笑築基

傷已後尚期他日九層臺

七旬又七喜椿庭半石兒曹髮已星有志未為
空負託不堪搔首對牕櫺

學道須將室與窺功名小用欲何為周旋祗有
詩書在外此升沉總不知

葉本貞別駕惠鶴詩以謝之

寺簡文書睡正酣忽看孤鶴過江南趙公清節

吾何敢僅免全家食苟慙食苟張天祺故事予嘗書于屏風以自儆

數日樊籠鍛羽翎今朝自在立中庭揮毫未續

樵菴記樵菴劉靜修號先生嘗作鶴菴記予每愛誦之先起山人放鶴

亭

題曹憲副先人手卷

能敬何須柳與虞尋常家問可看無人間此老
非凡者挺挺還應有鳳雛

盈尺遺牋何處尋百年珍襲比南金曾參純孝
非羊棗羊棗猶堪見孝心

題曹憲副採蓴卷

三泖秋霖浸四圍水邊未覺露葵稀金盤玉箸
長安客幾個西風為汝歸

楓落吳江凜素秋荷衣閑伴釣徒遊世情嚼蠟

真無味爭似萼鄉作醉侯

送楊惟高先生致仕

一日能歸一日仙莫言華髮未盈顙夕陽江上
收帆早半夜何憂浪拍天
倦飛仍有鳳毛翮如此光榮衆所憐不識先生
都忘却祇圖閑靜博長年

金蘭竹為夏汝梅知州題二首

正則孤忠孰與隣子猷風韻亦清真如今莫作
尋常看合把黃金鑄兩人

占斷南山灑水傍幾經雨露幾風霜誰誇直節

生來好我喜無人亦自香

東昌道中

土牆茅屋十餘家高柳稀疎傍水涯
致貨紛紛人語鬧黃縑紅棗白棉花

夜過黃家牕

星光幾點黑雲多夜久搖船下牕渦
往事悠悠上心曲百無成就愧蹉跎

題吳中李節婦詩卷

蓬牕書冊少相隨偶取共姜卷一披
讀史每將馮道罵婦人如此可無詩

途中逢太淑人忌日

見背慈顏已十春
今逢忌日倍沾巾
遙知兄弟當遷主
奠獻相看少一人

贈員郎王君夫婦輓詞

于資良同年

騎鶴當年早已仙
蛻函恩命賁重泉
賢郎心事瀧岡表
一讀碑文一泫然

當日夫君返襯時
膝前纔有七週兒
于今教得登金榜
去見夫君亦有詞

斗寒

昨午冬天熱似秋
狂風一夜透重裘
盈虛消息

陰陽理須何環中錯綜求

歲甲子孟春予以省親南還舟中風雪連
日隱几嗒然偶閱晦翁訓子詩因取其題
強加綴詠錄之得十六首兒曹喧擊梨栗
乃令歌之以收其放心然以為頗異於穿
花蛺蝶點水蜻蜓閑語不欲棄之以貽
同志共學之士云

性

云胡說性已非性氣稟由來有不齊昧却本原
無雜處荀楊所見一何低

心

体用自該情與性性情細認即知心就中何者
為分別一點虛靈照古今

人心道心

本是一心分理欲莫因理欲却分心考亭剝釋
尤親切初學宜當仔細尋

仁

義禮智消單字釋惟仁單字釋難明孔門最不
輕相許合就回雍請處行

學

古來大學傳洙泗小學新安又補之只取二書
循序做莫斂老佛溺文辭

致知

聖賢始教專於此此際差來到底差原道似無
頭腦在只緣韓學本來華

克己

欲把理侵為我賊理能勝欲始為剛誓將四勿
堂堂陳掃穴犁庭戰一場

謹獨

須於屋漏求無愧此是工夫靡間時一自曾思

和獎贖千年程子又提撕

居敬

敬在經書如本草直從伊洛始修方勿忘勿助
長如此即是鳶飛魚躍鄉

靜

靠靜斷然生病痛用於紛擾當粗工要知此學
無他事祇在程門一敬中

喚醒

瑞巖也有惺惺法兩字諸儒何處聞此理要渠
常管照佛空儒實只爭分

夜氣

靜是天人根本處日之夜即歲之冬莫將好惡
論分數要使清明旦暮同

中庸

中中已有平常義只合還將定訓庸三代唐虞
分禪繼乾坤此理古今同

太極圖

理氣將來摸寫出伏羲以後有濂溪諦觀太極
人人具一語修之作聖梯

西銘

不是西銘意細讀西銘分自殊我愛橫渠
夫子筆畫成天下一家圖

先天圖

大而天地微人事任爾無能出此圖識得盛衰
消息理許君親見邵堯天

為毛司訓題畫

幾座茅亭一葉船幽人來遶水雲邊林居習靜
非無意欲買溪山乏俸錢

題沈石田畫贈楊大叅志仁

大叅楊君乃文懿公之震器古心有節

天下聞而慕之茲王元德氏謁予金陵
持沈啓南新畫一幅謂將致之于君蓋
君於沈畫實嘗屬意而元德為之物色
如此展玩之餘聊附一絕于卷末云
好事王君眼中少當家沈老世間無
薇垣亦是丹青手曾畫城門鄭俠圖

楊文恪公文集卷三